



**ZAPISNIK O RADU 24. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 01.06.2022. GODINE**

Broj: 01-GV-02-938/22

Sarajevo, 01.06.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
7. Adi Škaljić, predsjedavajući Kluba gradskih vijećnika Naše stranke
8. Muamer Mekić, predsjedavajući Kluba gradskih vijećnika Socijaldemokratske partije BiH
9. Enisa Spahić, zamjenica predsjedavajuće Kluba gradskih vijećnica „Demokratska fronta-Enisa Spahić-Amra Zulfikarpašić“
10. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
11. Bajro Biber, predsjedavajući Kluba gradskih vijećnika „USD-BOSS“
12. Jasmin Skrupan, zamjenik predsjedavajućeg Kluba gradskih vijećnika „Korora/Skorupan“
13. Mila Eminović Rizvanović, sekretar Gradskog vijeća

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.07 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa 11 glasova „za“, bez glasova „protiv“ i dva „suzdržana“ glasa **je usvojio** Zapisnik o radu 23. sjednice Kolegija Gradskog vijeća, održane 05.05.2022. godine.



Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 24. sjednice Kolegija Gradskog vijeća, tako da glasi:

1. Priprema za održavanje 17. sjednice Gradskog vijeća Grada Sarajeva
2. Razmatranje inicijative Odbora za društvene djelatnosti Gradskog vijeća Grada Sarajeva, broj: 01-GV-02-655-3.1.1.-22 od 27.04.2022. godine
3. Tekuća pitanja

Ad1)

Priprema za održavanje 17. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 17. sjednica Gradskog vijeća će se održati u **srijedu 29.06.2022. godine u Vijećnici** sa početkom u **10.00 sati**;
- Predlagачi će materijale dostaviti Predsjedavajućem najkasnije u **utorak 07.06.2022. godine**;
- Sjednice radnih tijela, u pripremi 17. sjednice Gradskog vijeća, će se održavati u sedmici koja počinje s **ponedjeljkom 13.06.2022. godine**;
- Pozivi gradskim vijećnicima za 17. sjednicu Gradskog vijeća će se uputiti u **srijedu 22.06.2022. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Informacija o procesu donošenja urbanističkog plana urbanog područja Sarajevo (Stari grad, Centar, Novo Sarajevo, Novi grad, Ilidža i Vogošća) za period 2015.-2035. godina i obaveznoj primjeni mjera zaštite ventilacionih koridora, prema informaciji Gradonačelnice, **nije spremna** i neće biti uvrštena u prijedlog dnevnog reda 17. sjednice Gradskog vijeća uz obrazloženje da je Zavod za planiranje razvoja Kantona Sarajevo u postupku izrade urbanističkog plana, a prema osnovnoj koncepciji koja je već prezentovana na sjednici Odboru za urbanizam i upotrebu lokalnog zemljišta Gradskog vijeća.

Informacija o stanju sigurnosti javnog saobraćaja u Kantonu Sarajevo, prema informaciji Gradonačelnice, **će biti pripremljena** i očekuje se da će biti uvrštena u prijedlog dnevnog reda 17. sjednice Gradskog vijeća ukoliko Ministarstvo saobraćaja Kantona Sarajevo, blagovremeno, dostavi podatke potrebne za izradu navedene informacije.

Informacija o realizaciji projekta izgradnje biciklističke staze na području grada Sarajeva **neće biti pripremljena**. **Benamina Karić, gradonačelnica Grada Sarajeva** je podsjetila članove Kolegija da je navedena informacija razmatrana i primljena k znanju na 14. sjednici Gradskog vijeća održanoj 04.04.2022. godine.

Izveštaj o realizaciji Programa manifestacije obilježavanja 6. aprila – Dana Grada Sarajeva u 2022. godini **je spreman** i očekuje se da će biti uvrštena u prijedlog dnevnog reda 17. sjednice Gradskog vijeća.

Odluka o podizanju spomenika civilnim žrtvama grada – Kantona Sarajevo, prema informaciji Gradonačelnice, **nije spremna** obzirom da nije usaglašena lokacija za podizanje spomenika.

U raspravi koja je uslijedila učestvovali su članovi Kolegija **Dragan Stevanović, zamjenik predsjedavajućeg Gradskog vijeća, Vedad Deljković i Jasmin Ademović, predsjedavajući Gradskog vijeća**, a dodatna pojašnjenja dala je **Benjamina Karić, gradonačelnica Grada Sarajeva**.

Informacija o implementaciji plana djelovanja za mlade **je spremna** i očekuje se da će biti uvrštena u prijedlog dnevnog reda 17. sjednice Gradskog vijeća.

c. Teme koje su planirane Programom rada Gradskog vijeća Grada Sarajeva za 2022. godinu u maju mjesecu

Nacrt Etičkog kodeksa izabраниh zvaničnika i zvaničnica Grada Sarajeva ili Izmjene i dopune Etičkog kodeksa izabраниh zvaničnika i zvaničnica Grada Sarajeva

Jasmin Ademović, predsjedavajući Gradskog vijeća je upoznao članove Kolegija da se, prema raspoloživim informacijama, Etičko vijeće, kao ovlašteni predlagач, odredilo o određenim smjernicama za izradu Nacrta Etičkog kodeksa, te da je Etičko vijeće zauzelo stav da je potrebno da Gradonačelnica formira radnu grupu koja će zajedno sa Etičkim vijećem pripremiti tekst Nacrta Etičkog kodeksa.

Nacrt Etičkog kodeksa bi Etičko vijeće utvrdilo do kraja jula i uputilo ga Gradskom vijeću na razmatranje u septembru mjesecu.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

Gradonačelnica će formirati radnu grupu koja će, u saradnji s Etičkim vijećem pripremiti tekst Nacrta Etičkog kodeksa izabраниh zvaničnika Grada Sarajeva u potrebnim rokovima da Etičko vijeće utvrdi Nacrt Etičkog kodeksa do kraja jula mjeseca i uputit ga Gradskom vijeću na razmatranje, tako da ga Gradsko vijeće razmatra u septembru i uputi ga u javnu raspravu do novembra mjeseca.

Izvještaj o izvršenoj reviziji finansijskih izvještaja Grada Sarajeva za period mandata organa Grada Sarajeva 2017. – 2019. godina s prijedlogom mjera i aktivnosti, prema informaciji Gradonačelnice, **nije spreman** i neće biti uvršten u prijedlog dnevnog reda 17. sjednice Gradskog vijeća, ali će Gradonačelnica za 17. sjednicu Gradskog vijeća predložiti za razmatranje Informaciju o postupku revizije finansijskih izvještaja Grada Sarajeva za period mandata organa Grada Sarajeva 2017. – 2019. godina.

Izvještaj o provođenju Odluke o stipendiranju učenika srednjih škola iz Budžeta Grada Sarajeva, po konkursu za stipendiranje učenika srednjih škola iz Budžeta Grada Sarajeva za školsku 2020/2021. **je spreman** i očekuje se da će biti uvrštena u prijedlog dnevnog reda 17. sjednice Gradskog vijeća.

d. Novi prijedlozi:

Benjamina Karić gradonačelnica Grada Sarajeva je informisala članove Kolegija da će za 17. sjednicu Gradskog vijeća predložiti i sljedeće materijale:

1. Prijedlog Odluke o dopuni Kalendara obilježavanja datuma i događaja značajnih za Grad Sarajevo
2. Informacija u vezi sa primjenom Zakona o komunalnim taksama
3. Informacija o realizaciji sanacije zacjevljenog dijela Bistričkog potoka
4. Informacija o realizaciji projekta SKYWALK
5. Informacija o tekućem održavanju spomenika Vječna vatra
6. Informacija o realizaciji projekta obnove i rekonstrukcije Astronomskog opservatorija Trebević

Benjamina Karić gradonačelnica Grada Sarajeva je upoznala članove Kolegij da postoji vjerovatnoća da će određen broj tema biti uvršten, odnosno predložen za razmatrane na 17. sjednici Gradskog vijeća, i u narednom periodu.

Ad 2)

Razmatranje inicijative Odbora za društvene djelatnosti Gradskog vijeća Grada Sarajeva, broj: 01-GV-02-655-3.1.1.-22 od 27.04.2022. godine

Jasmin Ademović, predsjedavajući Gradskog vijeća je podsjetio članove Kolegija da je Odbor za društvene djelatnosti uputio inicijativu sljedećeg sadržaja:

Potrebno je da Gradsko vijeće Grada Sarajeva prispita Odluku o načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21) kako bi se utvrdili precizniji kriterijiji, odnosno uslov za finansiranje udruženja.

U raspravi, koja je uslijedila, učestvovala je **Mirela Džehverović, zamjenica predsjedavajućeg Gradskog vijeća.**

Jasmin Ademović, predsjedavajući Gradskog vijeća je konstatovao da Kolegi Gradskog vijeća predlaže Gradonačelnici da razmotri inicijativu Odbora za društvene djelatnosti, što je Gradonačelnica i prihvatila.

Ad 3)

Tekuća pitanja

Obzirom da pod ovom tačkom dnevnog reda nije bilo prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.28 sati.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVAJUĆI GRADSKOG VIJEĆA

Jasmin Ademović, s.r.